

Sier Jacomo Badoer, qu. sier Sebastian et cavalier,
 Sier Alvise Badoer, qu. sier Rigo,
 Sier Bernardin Badoer, qu. sier Mario,
 Sier Alvise Badoer, qu. sier Rigo,
 Sier Daniel Badoer, qu. sier Bernardin,
 Sier Polo Antonio Badoer, qu. sier Rigo,
 Sier Hironimo Badoer, qu. sier Zuanne,
 Sier Piero Badoer, qu. sier Albertin, dotor,
 † Sier Nicolò Badoer, qu. sier Orso, rimase,
 Sier Jacomo Badoer, qu. sier Francesco,
 Sier Zuan Badoer, dotor et cavalier, qu. sier Renier,
 Sier Hironimo Badoer, qu. sier Renier,
 Sier Zuan Francesco Badoer, qu. sier Ruberto,
 Sier Jacomo Badoer, qu. sier Hironimo,
 Sier Zuan Batista Badoer, qu. sier Barbaro,
 Sier Andrea Badoer, qu. sier Zuane, qu. sier Andrea,
 Sier Alexandro Badoer, qu. sier Filippo, qu. sier Zuan Gabriel.

Nota. In questo Mazor Consejo sier Polo Bragadin, fo proveditor a le biave per danari, qu. sier Zuan Alvise, quel'è quello di calzoni notado in l'altro volume, fo in cletion, si tolse ai X savi, ave solum 183 et di no 1063 et quando fo stridà tuto il Consejo se la rise.

Di Zenoa fo lettere di oratori nostri Contarini et Basadonna, di 8, il summario scriverò qui avanti.

9 *Da Spalato di sier Lunardo Bolani conte et capitano, di 14 Marzo, ricevute a dì 7 April.* Eri le zente turchesche corseno nel contado de Clisa di qua da li monti et deproderono molti animali de elisani, et trovali alquanti animali de li uragnizani nostri subditi insieme con li altri menorono via con do pati et una puta de detti uragnizani; inteso questo ho scritto lettere al magnifico Morat Chiecaia di Bosina per veder di oblenir la recuperation etc.

Da Zenoa di sier Marco Antonio Contarini et sier Zuan Basadonna, dotor et cavalier, di primo, ricevute a dì 7. Alli 27 la Cesarea Maestà intrò in questa città incontrata prima da 20 primari gentilhomini di questa terra più de 10 miglia fuora di la terra, poi se incontrò nel principe domino Andrea Doria et altri 30 zentilhomeni, et il doxe et signoria li andorono contra fuori de li borge. Fu neompagnata Sua Maestà suo ne lo alo-

giamento eh' è la caxa dil prefato Doria molto bella et ben ornata la qual è fuori di la terra nel primo borgo, precedendo Soa Maestà li duchi di Milan et Mantoa et altri marchesi e signori con molto bella pompa. Et fo incontrato da galle 27 dil Doria, di Sicilia et Spagna, quale hauta vista di la gente di Soa Maestà, con bellissimo ordine a do a do venero remigando contra, et salutata tolto il camino presso la terra la acompagnarono fino a la porta, poi tolto licentia con simel saluto ritornorono a sorger nel muolo al loco suo. Fu cossa molto honorevole et bella da veder, parte per la velocità et per varie livree di le zurne.

Da poi io Contarini per exequir le lettere di 14 di haver il mandato dil Serenissimo re di romani per li iudici; parlai con il conte Lodovico Nogarola suo orator, qual mi disse haver scritto, et che li iudici haveano amplissimo mandato de iudicar il tutto et che scriveva di questo una altra volta; poi mi disse haver lettere dil Serenissimo re suo di 13 marzo date in Viena, la qual città era rimasta disolata per la peste et esser morte infinite persone oltra le ruine di la guera; e dil convento di Posonio del re suo, e dil Vayvoda vi è etiam uno comisario cesareo, et si sperava bona resolutione. Alli 29 del passato il signor duca di Milan mandò do soi secretarii da mi Zuan Baxadonna per darli aviso di la conclusion di le sue noze ne la neza di Cesare, qual alli 26 a Tortona Soa Maestà mandò da Soa Excellentia il comendador maior Covos et monsignor di Grativilla dicendoli che havea terminà di acetarlo come parente ai qual rispose non li bastava l'animo di richieder questo, et la giovine era di anni 14 e di la dota havia rimesso a quello voleva Soa Maestà, et poi alli 30 mi replicò scusandosi non havermeto ditto prima, perchè la cosa non era ancora stà stabilita: mi alegrai etc. La galla per la Cesarea Maestà fu varata alli 30, et quella voise esser presente a vederla varar, e avanti si celebrasse la messa fu dato l'ordine del toson al principe Andrea Doria.

Dominica di le Palme Soa Maestà si comunicherà et deliberò partir il luni santo et andarà fino a Savona, si atende a palmar et ordinar le altre galle, diman se imbarcherà li cavali; si dice esser zonta la galla la qual fo mandata in Spagna per tuor danari per li presenti bisogni alle nave che menò Soa Maestà di Spagna, et hanno servito in armada et restavano creditrici assà; *de presenti* si dice se li dà il terzo dil credito in contadi, il resto